

**ADDENDA Nº1 AO CONVENIO DE COLABORACIÓN ENTRE A DEPUTACIÓN DE PONTEVEDRA E O CONCELLO DE MEIS PARA LEVAR A CABO DENTRO DO SEU TERMO MUNICIPAL AS ACTUACIÓNS RECOLLIDAS NO PROXECTO DENOMINADO IDAE NÚM. FEDER-EELL-2020-004515 “ILUMINACIÓN EXTERIOR SOSTIBLE VII: RENOVACIÓN DAS INSTALACIÓN DO ALUMEADO EXTERIOR DOS MUNICIPIOS DE MARÍN, MEAÑO, MEIS E MONDARIZ-BALNEARIO” PARA MODIFICACIÓN DO FINANCIAMENTO DA ACHEGA MUNICIPAL**

**DOCUMENTO ASINADO ELECTRONICAMENTE POR:**

**ADDENDA Nº1 AO CONVENIO DE COLABORACIÓN ENTRE A DEPUTACIÓN DE PONTEVEDRA E O CONCELLO DE MEIS PARA LEVAR A CABO DENTRO DO SEU TERMO MUNICIPAL AS ACTUACIÓNS RECOLLIDAS NO PROXECTO DENOMINADO IDAE NÚM. FEDER-EELL-2020-004515 “ILUMINACIÓN EXTERIOR SOSTIBLE VII: RENOVACIÓN DAS INSTALACIÓN DO ALUMEADO EXTERIOR DOS MUNICIPIOS DE MARÍN, MEAÑO, MEIS E MONDARIZ-BALNEARIO” PARA MODIFICACIÓN DO FINANCIAMENTO DA ACHEGA MUNICIPAL**

Na data da sinatura electrónica

**INTERVEÑEN**

Dunha parte, D<sup>a</sup> María del Carmen Silva Rego, quen actúa no nome e representación da Deputación Provincial de Pontevedra, en virtude do seu cargo como Presidenta deste organismo e en función das atribucións que lle confiren o artigo 34 da Lei 7/1985, de 2 de abril, reguladora das bases do réxime local, e o artigo 105 da Lei 5/1997, de 22 de xullo, de administración local de Galicia.

Doutra, Dona Marta Giráldez Barral, quen actúa no nome e representación do Concello de Meis, en virtude da súa condición de Alcaldesa-Presidenta da citada Corporación, segundo o disposto no artigo 124 da Lei 7/1985, do 2 de abril, reguladora das bases de réxime local, no artigo 61.1 da Lei 5/1997, de administración local de Galicia e no artigo 41.1 do Real decreto 2568/1986, do 28 de novembro, polo que se aproba o Regulamento de organización, funcionamento e réxime xurídico das entidades locais.

E actuando Carlos Cuadrado Romay en calidade de secretario xeral da Deputación de Pontevedra, dando fe do acto que ten lugar.

Ámbalas dúas partes actúan nas representacións expresadas e recoñécense reciprocamente capacidade bastante para o outorgamento e formalización deste convenio, con base nos principios de colaboración, cooperación, coordinación e eficacia que deben presidir as actuacións das Administracións Públicas e, a estes efectos, de común acordo,

**EXPOÑEN**

I.- Que con data 23 de xullo de 2021, o Concello de Meis e a Deputación Provincial de Pontevedra asinaron o “Convenio de colaboración para levar a cabo dentro do seu termo municipal as actuacións recollidas no proxecto IDAE NÚM. FEDER-EELL-2020-004515 “Iluminación exterior sostible VII: renovación das instalacións do alumeado exterior dos municipios de Marín, Meaño, Meis e Mondariz-Balneario”. O concello de Meis comprométese a achegar para a realización das actuacións descritas neste convenio de colaboración o importe que ascende a dezanove mil novecentos corenta e seis euros con trinta e tres céntimos de euro (19.946,33 €).

II.- Que en data 17/09/2021 por medio da sede electrónica da Deputación de Pontevedra (registro WEB2021035553), o Concello de Meis propón que neste exercicio só se faga fronte ós gastos de redacción de proxecto que se estiman en 1.183,63 euros e o importe restante que ascende a 18.762,70 euros, sexa financiado coas cantidades a favor do concello ao abeiro do plan de obras



e servizos (Plan concellos) da Deputación de Pontevedra na súa anualidade 2022.

Que, de acordo coas precedentes consideracións, dada a coincidencia de obxectivos e o interese común de ambas administracións manifiestan expresamente o seu propósito de asinar unha addenda co obxecto de proceder á modificación da cláusula terceira "Importe e financiamento" do convenio de colaboración entre a Deputación de Pontevedra e o concello de Meis para levar a cabo dentro do seu termo municipal as actuacións recollidas no proxecto denominado "Iluminación exterior sostible VII" (FEDER-EELL-2020-004515) asinado con data de 23 de xullo de 2021 para o financiamento da renovación das instalacións da iluminación exterior sostible do concello de Meis, con arranxo ós seguintes:

### PACTOS

PRIMEIRO.- A Deputación Provincial de Pontevedra e o Concello de Meis acordan a modificación da cláusula terceira "Importe e financiamento" do convenio de colaboración entre a Deputación de Pontevedra e o concello de Meis para levar a cabo dentro do seu termo municipal as actuacións recollidas no proxecto denominado "Iluminación exterior sostible VII" (FEDER-EELL-2020-004515) asinado con data de 23 de xullo de 2021 para o financiamento da renovación das instalacións da iluminación exterior sostible do concello de Meis. Dita cláusula queda redactada da seguinte maneira:

#### ***"Terceira. Importe e financiamento"***

*A inversión elixible admitida polo IDAE para o proxecto IDAE núm. FEDER-EELL-2020-004515 Iluminación exterior sostible VII: Renovación das instalacións do alumeadado exterior dos municipios de Marín, Meaño, Meis e Mondariz-Balneario" ascende a cantidade de cento noventa e nove mil catro centos sesenta e tres euros con vinte e cinco céntimos de euro (199.463,25 €).*

*Do total do investimento descrito no parágrafo anterior, o IDAE, con cargo a fondos do FEDER concedeu a Deputación de Pontevedra unha axuda por importe máximo de cento cincuenta e nove mil cinco cento setenta euros con sesenta céntimos de euro (159.570,60€), correspondendo este importe ao 80 % do investimento admitido elixible.*

*Para facer fronte ao importe restante (20 % do investimento elixible admitido) a Deputación de Pontevedra e Concello adherido chegaron ao acordo de financiar ese importe con fondos propios das citadas entidades cos seguintes condicionantes:*

- *A Deputación de Pontevedra achegaría o 10 % do investimento elixible co límite de vinte mil euros (20.000€) para actuacións dentro do termo municipal de cada un dos Concellos adheridos*
- *O importe restante, ata chegar ao 100 % do importe das actuacións a realizar dentro do seu termo municipal, achegaría cada un dos Concellos.*

*Neste sentido, o Concello adherido ao proxecto indicado achegou a certificación do acordo adoptado polo órgano de goberno correspondente onde se adherían ao proxecto e se comprometían a consignar no orzamento municipal os créditos necesarios para afrontar as achegas municipais para a realización do mencionado proxecto no caso de ser subvencionado.*

*Ademais o Concello adherido ao proxecto indicado no inicio deste parágrafo asinou o día 29 de xullo de 2020 o correspondente Acordo entre beneficiarios, que forma parte da documentación remitida ao IDAE como documento complementario do expediente de concesión da axuda.*



A Xunta de Goberno, na súa sesión ordinaria de data 04 de xuño de 2021 aprobou, entre outros asuntos, a concesión das axudas comprometidas pola Deputación ao abeiro do proxecto IDAE núm. FEDER-EELL-2020-004515 "Iluminación exterior sostible VII: Renovación das instalacións de alumeadado exterior dos municipios de Marín, Meaño, Meis e Mondariz-Balneario" aos concellos beneficiarios e autorizou a comprometer o gasto polos importes da achega da Deputación.

No caso concreto das actuacións a realizar no termo municipal correspondente ao Concello o cadro financeiro é o que se corresponde coa seguinte táboa:

Concello/ Concello	Investimento elixible admitido	Axuda IDAE outorgada (80% FEDER)	Achega do Concello	Achega da Deputación de Pontevedra
Concello de Meis	199.463,25 €	159.570,60 €	19.946,33 €	19.946,32 €

A Deputación comprométese a achegar para a realización das actuacións nos Concellos descritas neste convenio de colaboración o importe que ascende a dezanove mil novecentos corenta e seis euros con trinta e dous céntimos de euro (19.946,32 €) consignados na aplicación 21/942.1650.652.15, dentro do proxecto de gastos **codificado como "FEDER-EELL-2020-004515 – "Iluminación exterior sostible VII"**.

O concello financiará o importe restante, é dicir, dezanove mil novecentos corenta e seis euros con trinta e tres céntimos de euro (19.946,33 €).

O importe que ten que achegar o Concello constitúe un ingreso de dereito público que deberá ingresarse na tesourería provincial no momento da sinatura do convenio e, en todo caso, antes da iniciación do expediente de contratación. Este importe de mil cento oitenta e tres euros con sesenta e tres céntimos de euro (1.183,63 €) correspondentes á redacción do proxecto, ingresarse neste exercicio económico e a cantidade restante, que ascende a dezaioito mil setecentos sesenta e dous euros con setenta céntimos de euro (18.762,70 €) será financiado coas cantidades a favor do concello ó abeiro do plan de obras e servizos (Plan Concellos) da Deputación de Pontevedra na súa anualidade 2022 coa fin de xerar o crédito necesario nas aplicacións correspondentes.

En caso de que o investimento realizado teña un custo inferior ao inicialmente previsto e sempre que isto non supoña unha execución deficiente da totalidade do proxecto, o financiamento reducirase en correlación ás obrigas económicas que lle corresponda afrontar a cada parte

Segundo se recolle na cláusula 25.4 das Bases de execución do orzamento da Deputación de Pontevedra para o ano 2021, para facer efectivas as obrigas da achega do concello para o financiamento do presente convenio outórganse expresamente as facultades de comprensión e ingreso a favor da Deputación de Pontevedra sobre calquera pago concreto que lle teña que facer ao concello, ou calquera pago que lle teña que facer o ORAL ao concello, se tivera delegadas as facultades de recadación en dito organismo"

SEGUNDO.- En todo o demais, o texto do convenio asinado en data 23 de xullo de 2021 mantense invariable, suxeitándose as partes ao seu clausulado.



E para que así conste, en proba de conformidade, as partes asinan a presente addenda data sinalados no seu encabezamento.

O Alcaldesa-Presidenta do Concello de Meis

A Presidenta da Deputación de Pontevedra

Asdo.: Marta Giráldez Barral

Asdo.: María del Carmen Silva Rego

O Secretario Xeral da Deputación de Pontevedra

Asdo.: Carlos Cuadrado Romay